



არასამეწარმეო (არაკომერციული) იურიდიული პირის - საქართველოს
საპატრიარქოს წმინდა თამარ მეფის სახელობის უნივერსიტეტის რექტორის
ბრძანება

№40/02 2021 წლის 12 ნოემბერი ქ. თბილისი

ა(ა)იპ საქართველოს საპატრიარქოს წმინდა თამარ მეფის სახელობის უნივერსიტეტის
სტუდენტური თვითმმართველობის დებულების დამტკიცების შესახებ

„უმაღლესი განათლების შესახებ“ საქართველოს კანონის 45-ე მუხლის, საქართველოს
კანონის - „საქართველოს სამოქალაქო კოდექსის“ 35-ე მუხლის, ა(ა)იპ საქართველოს
საპატრიარქოს წმინდა თამარ მეფის სახელობის უნივერსიტეტის წესდების საფუძველზე.

ვბრძანებ:

1. დამტკიცდეს ა(ა)იპ საქართველოს საპატრიარქოს წმინდა თამარ მეფის სახელობის
უნივერსიტეტის სტუდენტური თვითმმართველობის დებულება დანართის შესაბამისად.
2. ბრძანება ძალაშია ხელმოწერისთანავე.

საფუძველი: სტუდენტთა საინიციატივო ჯგუფის წარდგინება.

რექტორი, პროფესორი,
არქიმანდრიტი ადამი (ვახტანგ ახალაძე)



ა(ა)იპ საქართველოს საპატრიარქოს წმინდა თამარ მეფის სახელობის

უნივერსიტეტის რექტორის მიერ

2021 წლის 12 ნოემბრის № 55/12-10 ოქმით



**ა(ა)იპ საქართველოს საპატრიარქოს წმინდა თამარ მეფის სახელობის
უნივერსიტეტის სტუდენტური თვითმმართველობის
დებულება**

თ ბ ი ლ ი ს ი

2021

1.ზოგადი დებულებები

- 1.1 ა(ა)იპ საქართველოს საპატრიარქოს წმინდა თამარ მეფის სახელობის უნივერსიტეტის (შემდგომში-უნივერსიტეტი) სტუდენტური თვითმმართველობა არის სტუდენტთა ნებაყოფლობითი გაერთიანება, რომელიც იქმნება ერთი მხრივ, სტუდენტებისა, ხოლო მეორეს მხრივ, უნივერსიტეტის პერსონალის ინტერესების ჰარმონიზაციისა და სწავლების ხარისხის ამაღლების უზრუნველსაყოფად;
- 1.2 სტუდენტური თვითმმართველობა არ წარმოადგენს იურიდიულ პირს;
- 1.3 სტუდენტური თვითმმართველობა თავის ფუნქციებს ანხორციელებს საქართველოს კანონმდებლობის, უნივერსიტეტის შინაგანაწესის, წინამდებარე დებულებისა და სხვა შიდასაუნივერსიტეტო აქტების საფუძველზე;
- 1.4 სტუდენტური თვითმმართველობა თავის საქმიანობაში არის დამოუკიდებელი;
- 1.5 უნივერსიტეტი უზრუნველყოფს სტუდენტური თვითმმართველობის უფლებებისა და კანონიერი ინტერესების დაცვას;
- 1.6 სტუდენტურ თვითმმართველობას ხელმძღვანელობს პრეზიდენტი;

2. სტუდენტური თვითმმართველობის მიზნები და ამოცანები

- 2.1 სტუდენტური თვითმმართველობის საქმიანობის მიზნებია:
 - სტუდენტთა პროფესიული მომზადების დონისა და შემოქმედებითი აქტიურობის განვითარება;
 - სტუდენტური ცხოვრების გამრავალფეროვნება;
 - უნივერსიტეტის ყოველდღიურ საქმიანობაში სტუდენტთა მონაწილეობა;
 - სტუდენტთა კანონიერი უფლებების დაცვა;
 - სტუდენტების თვითრეალიზებისა და დამოუკიდებელი აზროვნების ჩამოყალიბების ხელშეწყობა;
 - უნივერსიტეტის მმართველობის ორგანოებისათვის წინადადებებისა და რეკომენდაციების მომზადება სასწავლო პროცესის ორგანიზაციისა და ხარისხის სრულყოფის მიმართულებით;
- 2.2. სტუდენტური თვითმმართველობა უფლებამოსილია:
 - მოაწიოს შეხვედრები, ტრენინგები, ინტელექტუალური თამაშები, ლიტერატურული, სპორტული, კულტურული, გასართობი, სამეცნიერო ღონისძიებები;

- სტუდენტური თვითმმართველობა თანამშრომლობს საუნივერსიტეტო, სამთავრობო და არასამთავრობო ორგანიზაციებთან აგრეთვე გაერთიანებებთან, სახელმწიფო და საერთაშორისო ორგანიზაციებთან;
- სტუდენტთა თვითმმართველობას შეუძლია დაამყაროს კავშირი საქართველოს და უცხოეთის უმაღლესი სასწავლებლების სტუდენტურ ორგანიზაციებთან და საერთაშორისო სტუდენტურ გაერთიანებებთან.

2.3 სტუდენტური თვითმმართველობის მართვის ორგანოებია:

- საერთო კრება;
- დეპარტამენტები;

3. სტუდენტური თვითმმართველობის საერთო კრება

- 3.1. სტუდენტური თვითმმართველობის უმაღლესი ორგანოა საერთო კრება, რომლის შემადგენლობაშიც შედის უნივერსიტეტის სტუდენტური თვითმმართველობის ყველა წევრი;
- 3.2. საერთო კრება მოიწვევა წელიწადში ორჯერ მაინც. საჭიროების შემთხვევაში რიგგარეშე სხდომა მოიწვევა პრეზიდენტის ან თვითმმართველობის წევრთა 2/3 ინიციატივით. კრება გადანყვეტისუნარიანია, თუ მას ესწრება წევრთა ნახევარზე მეტი. კრებაზე გადანყვეტილების მისაღებად საჭიროა ხმების 50%+1.
- 3.3. საერთო კრების სხდომის მოწვევის შესახებ თვითმმართველობის წევრს ეცნობება 3 დღით ადრე ჩატარების თარიღისა და დღის წესრიგის მითითებით;
- 3.4. სტუდენტური თვითმმართველობის საერთო კრება:
- თავისი შემადგენლობიდან ირჩევს თვითმმართველობის პრეზიდენტს;
 - თავისი შემადგენლობიდან ირჩევს ფაკულტეტის საბჭოს ერთ წევრს, რომელიც იღებს მონაწილეობას ყველა საკითხის განხილვაში გარდა სტუდენტის კვალიფიკაციის მინიჭებისა.
 - შეიმუშავებს სტუდენტური თვითმმართველობის დებულების პროექტს და დასამტკიცებლად წარუდგენს რექტორს;
 - შეაქვს დებულებაში ცვლილებები და დამატებები, რის შესახებაც აცნობებს უნივერსიტეტის ადმინისტრაციას;
 - იღებს გადანყვეტილებას თვითმმართველობის წევრის სტატუსის შეწყვეტის ან ახალი წევრის მიღების შესახებ.

4. სტუდენტური თვითმმართველობის პრეზიდენტი

- 4.1. სტუდენტური თვითმმართველობის პრეზიდენტი აირჩევა საერთო კრების მიერ თავისი შემადგენლობიდან 2 წლის ვადით ფარული კენჭისყრით, საყოველთაო, თანასწორი, პირდაპირი არჩევნების საფუძველზე;

4.2. სტუდენტური თვითმმართველობის პრეზიდენტი:

- იწვევს და თავმჯდომარეობს საერთო კრებას;
- უწევს კოორდინაციას თვითმმართველობის ორგანოთა მუშაობას;
- ნიშნავს დეპარტამენტის ხელმძღვანელებს;
- სათანადო საფუძვლების არსებობის შემთხვევაში ათავისუფლებს დეპარტამენტების ხელმძღვანელებს;
- სტუდენტური თვითმმართველობის სახელით ურთიერთობს უნივერსიტეტის მმართველ ორგანოებთან;
- იღებს მონაწილეობას უნივერსიტეტის სადისციპლინო კომისიის მუშაობაში;
- არის უნივერსიტეტის სენატის წერი;
- წარმოადგენს სტუდენტურ თვითმმართველობას ორგანიზაციებთან და გაერთიანებებთან ურთიერთობაში;
- ნიშნავს შემდეგი არჩევნების თარიღს უნივერსიტეტის ადმინისტრაციასთან შეთანხმებით;
- ამტკიცებს საერთო კრების მიერ წარმოდგენილ პრიორიტეტულ პროგრამებსა და პროექტებს;

4.3. სტუდენტური თვითმმართველობის პრეზიდენტის უფლებამოსილების ვადამდე შეწყვეტის საფუძველია:

- პირადი განცხადება;
- სტუდენტის სტატუსის შეჩერება ან შეწყვეტა;

4.4. თვითმმართველობის პრეზიდენტის უფლებამოსილების ვადამდე შეწყვეტის შემთხვევაში, სტუდენტურ თვითმმართველობას ვადამდელ არჩევნებამდე ხელმძღვანელობს ერთერთი დეპარტამენტის ხელმძღვანელი საერთო კრების გადანაცვტილებით.

5. სტუდენტური თვითმმართველობის დეპარტამენტები

- 5.1. სტუდენტური თვითმმართველობის დეპარტამენტები იქმნება სტუდენტური თვითმმართველობის მიზნებისა და ამოცანების შესასრულებლად;
- 5.2. თითოეულ დეპარტამენტს ჰყავს ხელმძღვანელი, რომელიც ერთი წლის ვადით ინიშნება პრეზიდენტის მიერ;
- 5.3. დეპარტამენტის წევრთა სხდომა მოიწვევა არანაკლებ ოვეში ერთხელ, რომელსაც ხელმძღვანელობს დეპარტამენტის ხელმძღვანელი;
- 5.4. დეპარტამენტის ხელმძღვანელმა პრეზიდენტს უნდა შეუთანხმოს ყოველი თვის სამუშაო გეგმა;
- 5.5. სტუდენტური თვითმმართველობის დეპარტამენტებია:
 - კულტურის დეპარტამენტი;
 - სპორტის დეპარტამენტი;
 - საორგანიზაციო დეპარტამენტი;

- განათლების დეპარტამენტი;

6. სტუდენტური თვითმმართველობის წევრი და მისი არჩევის წესი

6.1. სტუდენტური თვითმმართველობის წევრი:

- სტუდენტური თვითმმართველობის წევრად შეიძლება არჩეულ იქნას მხოლოდ უნივერსიტეტის სტუდენტები;
- სტუდენტური თვითმმართველობის წევრის უფლებამოსილება განისაზღვრება 2 წლის ვადით;

6.2. სტუდენტური თვითმმართველობის წევრის უფლებამოსილების ვადამდე შეწყვეტის საფუძველია:

- პირადი განცხადება;
- სტუდენტის სტატუსის შეჩერება ან შეწყვეტა;
- პრეზიდენტის გადაწყვეტილება, თუ იგი არღვევს უნივერსიტეტის შინაგანაწესს, ეთიკის კოდექსს ან წინამდებარე დებულებას;
- სასამართლოს მიერ ქმედუწაროდ, უგზოუკვლოდ დაკარგულად ან გარდაცვლილად გამოცხადება;

6.3. სტუდენტური თვითმმართველობის წევრი უფლებამოსილია:

- წამოაყენოს წინადადებები საერთო კრებაზე და მოითხოვოს მათზე რეაგირება;
- მიიღოს ინფორმაცია სტუდენტური თვითმმართველობის საქმიანობის შესახებ;
- მიიღოს მონაწილეობა სტუდენტური თვითმმართველობის მიერ მოწყობილ ღონისძიებებში, თავად შეიმუშაოს და განახორციელოს ისინი;
- მიიღოს მხარდაჭერა სტუდენტური თვითმმართველობისგან საკუთარი უფლებებისა და ინტერესების დასაცავად;
- იქონიოს სათათბირო ხმის უფლება;
- არჩეულ იქნას სტუდენტური თვითმმართველობის მართვის ორგანოებში;

6.4. სტუდენტური თვითმმართველობის წევრი ვალდებულია:

- დაიცვას ამ დებულების, უნივერსიტეტის შინაგანაწესის მოთხოვნები;
- შეასრულოს სტუდენტური თვითმმართველობის საერთო კრების გადაწყვეტილებები;
- დაიცვას სტუდენტური თვითმმართველობის სახელი, პრესტიჟი და ქონება;
- თავისი საქმიანობით არ დაუშვას უნივერსიტეტისა და სტუდენტური თვითმმართველობის დისკრედიტაცია;
- ხელი შეუწყოს სტუდენტსა და უნივერსიტეტის მართვის ორგანოებს შორის ჯანსაღი ურთიერთობების ჩამოყალიბებას.

6.5. სტუდენტური თვითმმართველობის წევრის არჩევა:

- სტუდენტური თვითმმართველობის წევრები აირჩევიან საყოველთაო, თანასწორი, პირდაპირი არჩევნების საფუძველზე, ფარული კენჭისყრით;
- თვითმმართველობის არჩევნები ჩატარებულად ჩაითვლება თუ მასში მონაწილეობას მიიღებს უნივერსიტეტში არსებულ სტუდენტთა 2/3;
- თითოეული ფაკულტეტი ირჩევს სტუდენტურ თვითმმართველობაში 6 წევრს;
- კანდიდატის წამოყენების უფლება აქვს სტუდენტთა 5 კაცთან საინიციატივო ჯგუფს;
- სტუდენტური თვითმმართველობის წევრის არჩევნის მიზნით სტუდენტთა საინიციატივო ჯგუფის მიერ იქმნება საარჩევნო კომისია, რომელსაც ყავს თავმჯდომარე და მდივანი;
- სტუდენტთა 5 კაციანი საინიციატივო ჯგუფი კანდიდატს არეგისტრირებს საარჩევნო კომისიაში;
- საარჩევნო კომისია ამტკიცებს საარჩევნო დებულებას, რომლის მიხედვითაც ხდება არჩევნების ჩატარება;

7. სტუდენტური თვითმმართველობის ფინანსები

7.1. სტუდენტური თვითმმართველობის დაფინანსების წყაროებია:

- უნივერსიტეტის მიერ გამოყოფილი ფინანსები;
- საერთაშორისო და ადგილობრივი გრანტები;
- ნებაყოფლობითი შემოწირულობები;

8. დასკვნითი დებულებები

8.1. დებულებაში ცვლილებებისა და დამატებების შეტანა ხდება საერთო კრებაზე შემუშავებული ცვლილება-დამატებების პროექტის მიხედვით.